

## INVITAZIUN

alla radunanza communal digl cumegn da Surses  
**glindesde, igls 21 da zarcladour 2021, allas 20.00,**  
an sala da cumegn Grava a Savognin

### Tractandas

1. Bavegna ed elecziun digls dombravouschs
2. Rendachint 2020
  - a) Preschentaziun e discussiun
  - b) Approvaziun
3. Rendachint davart projects d'investiziun terminos 2020 - infurmaziun
  - a) Project d'investiziun «construcziun nova Punt Leusch a Savognin»
  - b) Project d'investiziun «sanaziun Veia Cantunala Mulegns»
  - c) Project d'investiziun «sanaziun dalla veia da cumegn Veia La Motta a Parsonz»
  - d) Project d'investiziun «sanaziun piazza da sport Beiva incl. bietg»
  - e) Project d'investiziun «equipaziun zona d'industreia Punt a Cunter»
  - f) Project d'investiziun «furmaziun nova digl kiosk e digl conturn Lai Barnagn»
  - g) Project d'investiziun «construcziun nova amplificaziun implant da teir Livizung a Rona»
  - h) Project d'investiziun «traject ed infrastruttura center da cursa lunga Rona»
4. Contribuziun da promoziun à fonds perdu da fr. 250'000.00 alla Fundaziun Piz Mitgel Val Surses per la sanaziun digl Hotel Piz Mitgel, Savognin, sa basond sen las directivas communalas davart la promoziun da hotels e da menaschis d'alloschamaint cun letgs administros
  - a) Preschentaziun e discussiun
  - b) Approvaziun
5. Introducziun dalla lescha per carar sen veias da prada, fons, gôt ed alps digl cumegn da Surses - infurmaziun
6. Diversas infurmaziuns
7. Varia

### Aveis pertutgont igl protocol dalla davosa radunanza communal

Igl protocol dalla radunanza communal digls 10 da matg 2021 vign exponia per invista digls 4 da zarcladour cun ed anfignen igls 3 da fanadour 2021 agl spurtegl dall'administraziun communal a Tinizong. Ultra da chegl vign igl protocol er activo sen [www.surses.ch](http://www.surses.ch) (rubrica: politica > radunanzas communalas). Durant chel termin d'exposiziun da 30 deis pon neir inoltradas protestas cunter igl protocol. Cunchegl tg'igl termin vo sur igl termin dalla radunanza communal convocada or, vignan eventualas protestas tractadas pir a caschung d'en'otra radunanza communal.

### Maseiras pertutgont igl coronavirus (Covid-19)

Tenor igl concept da protecziun digl cumegn pertutgont Covid-19 ègl obligatoric da purtar ena mascrigna da protecziun, tant sen igl areal davant igl bietg polivalent Grava scu er agl interior digl bietg e durant l'antiera radunanza communal. Per evitar tgi las participantas ed igls participants vignan an contact sen spazi mengia strètg, prevei igl concept da manar las persungas agl intern digl bietg. Per la participaziun alla radunanza communal metta igl cumegn a disposiziun gratuitamaintg mascrignas da protecziun.

### Actas dalla radunanza communal

Igl messadi ed igls documaints tar tractanda nr. 2 e nr. 5 èn activos sen [www.surses.ch](http://www.surses.ch) (rubrica: politica > radunanzas communalas). Sen giaveisch ins pò piglier invista da chels documaints agl spurtegl dall'administraziun communal a Tinizong u igls retrer an furma stampada.